

## PRÆPARATIO AD MISSAM

*Antiphona: Ne* reminiscaris.

PSALMUS 83

Quam amabilia sunt tabernacula tua, Domine virtutum! Concupiscit et deficit anima mea in atria Domini. Cor meum et caro mea exultaverunt in Deum vivum. Etenim passer invenit sibi domum, et turtur nidum sibi; ubi reponat pullos suos: altaria tua, Domine virtutum, Rex meus et Deus meus. Beati, qui habitant in domo tua, in sæcula sæculorum laudabunt te. Beatus vir, cuius est auxilium abs te; ascensus in corde eius disposuit, in convalle fletus, in loco quem posuit. Etenim benedictiones dabit, qui legem dedit: ambulabunt de virtute in virtutem, videbitur Deus deorum in Sion. Domine, Deus virtutum, exaudi orationem meam: auribus percipe, Deus Iacob. Protector noster, aspice, Deus; et respice in faciem Christi tui. Quia melior est dies una in atriiis tuis super millia: elegi abjectus esse in domo Dei, magis quam habitare in tabernaculis peccatorum. Quia misericordiam et veritatem diligit Dominus: Deus gratiam et gloriam dabit: Dominus non privabit bonis ambulantes in innocencia. Domine, Deus virtutum, beatus homo qui sperat in te. Gloria Patri, et Filio, et Spiritui sancto. Sicut erat in principio, et nunc, et semper, et in sæcula sæculorum. Amen.

PSALMUS 84

Benedixisti, Domine, terram tuam: avertisti captivitatem Iacob. Remisisti iniquitatem plebis tuæ: operuisti omnia peccata eorum. Mitigasti omnem iram tuam: avertisti ab ira indignationis tuæ. Converte nos, Deus salutaris noster, et averte iracundiam tuam a nobis. Ne in æternum irascaris nobis, aut extendas iram tuam a generatione et progenie. Deus, tu convertens vivificabis nos, et plebs tua lætabitur in te. Ostende nobis, Domine, misericordiam tuam; et salutare tuum da nobis. Audiam qui loquatur in me Dominus Deus: quoniam loquetur pacem in plebem suam, et super sanctos suos, et in eos qui convertuntur coram ipso. Verumtamen prope timentes eum salutare ipsius, ut inhabitet gloria in terra nostra. Misericordia et veritas obviaverunt sibi; iustitia et pax complexæ sunt se. Veritas de terra orta est, et iustitia de cælo prospexit. Etenim Dominus dabit benignitatem; et terra nostra dabit fructum suum. Iustitia ante eum ambulabit, et ponet in via gressus suos. Gloria Patri, et Filio, et Spiritui sancto. Sicut erat in principio, et nunc, et semper, et in sæcula sæculorum. Amen

PSALMUS 85

Inclina, Domine, aurem tuam et exaudi me: quoniam egenos et pauper sum ego. Custodi animam meam, quoniam sanctus sum: salvum fac servum tuum, Deus meus, sperantem in te. Miserere mihi, Domine; quoniam ad te clamavi tota die. Lætifica animam servi tui; quoniam ad te, Domine, levavi animam meam. Quoniam tu, Domine, suavis ac mitis es, et copiosus in misericordia omnibus invocantibus te; Auribus percipe, Domine, orationem meam, et intende voci deprecationis meæ. In die tribulationis meæ clamavi ad te; quoniam exaudisti me. Non est similis tibi in diis, Domine; et non est secundum opera tua. Omnes gentes, quascumque fecisti, venient; et adorabunt coram te, Domine. Et honorificabunt nomen tuum; quoniam magnus es tu, et faciens mirabilia: tu es Deus solus. Deduc me, Domine, in via tua, et ingrediar in veritate tua. Lætetur cor meum, ut timeat nomen tuum. Confitebor tibi, Domine Deus meus, in toto corde meo; et glorificabo nomen tuum in æternum. Quia misericordia tua magna est super me; et eruisti animam meam ex inferno inferiori. Deus, injusti insurrexerunt super me, et synagoga potentium quæsierunt animam meam. Non proposuerunt te in conspectu suo: et tu, Domine, Deus misericors et miserator, longanimis et multum misericors et verax. Respice in me, et miserere mei; da potestatem puero tuo, et salvum fac filium ancillæ tuæ. Fac mecum signum in bonum; ut videant, qui oderunt me, et confundantur: quoniam tu, Domine, adiuvisti me, et consolatus es me.

Gloria Patri, et Filio, et Spiritui sancto. Sicut erat in principio, et nunc, et semper, et in sæcula sæculorum. Amen

PSALMUS 115

Credidi; propter quod locutus sum: Ego autem humiliatus sum nimis. Ego dixi in excessu mentis meæ: Omnis homo mendax. Quid retribuam Domino pro omnibus quæ retribuit mihi? Calicem salutaris accipiam, et nomen Domini invocabo. Pretiosa in conspectu Domini mors sanctorum eius. O Domine, ego servus tuus, ego servus tuus, et filius ancillæ tuæ. Dirupisti vincula mea: tibi sacrificabo hostiam laudis, Vota mea Domino reddam in conspectu omnis populi eius. In atriiis domus Domini, in medio tui, Ierusalem. Gloria Patri, et Filio, et Spiritui sancto. Sicut erat in principio, et nunc, et semper, et in sæcula sæculorum. Amen.

PSALMUS 129

De profundis clamavi ad te, Domine: Domine, exaudi vocem meam. Fiant aures tue intendentes in vocem orationis meæ. Si iniquitates observaveris, Domine; Domine, quis sustinebit? Quia apud te propitiatio est; et propter nomen tuum sustinui te, Domine. Sustinuit anima mea in verbo tuo; speravit anima mea in Domino. A vigilia matutina usque in noctem speret Israël in Domino. Quia apud Dominum misericordia est, et copiosa apud eum redemptio. Et ipse redimet Israël ab omnibus iniquitatibus eorum. Gloria Patri, et Filio, et Spiritui sancto. Sicut erat in principio, et nunc, et semper, et in sæcula sæculorum. Amen.

*Antiphona: Ne* reminiscaris, Domine, delicta nostra vel paramentum nostrorum: neque vindictam sumas de peccatis nostris.

Kyrie eleison, Kyrie eleison, Kyrie eleison.

Pater Noster qui es in cælis: sanctificétur nomen tuum; advéniat regnum tuum; fiat volúntas tua, sicut in cælo, et in terra. Panem nostrum cotidianum da nobis hódie; et dimitte nobis debita nostra, sicut et nos dimittimus debitoribus nostris; et ne nos inducas in tentatiónem; sed libera nos a malo. Amen.

**V.** Et ne nos inducas in tentationem.
**R.** Sed libera nos a malo.
**V.** Ego dixi: Domine, miserere mihi.
**R.** Sana animam meam, quia peccavi tibi.
**V.** Convertere, Domine, aliquantulum.
**R.** Et deprecabilis esto super servos tuos.
**V.** Fiat, Domine, misericordia tua super nos:
**R.** Sicut speravimus in te.
**V.** Sacerdotes tui induantur iustitiæ:
**R.** Et sancti tui exultent.
**V.** Ab occultis meis munda me, Domine:
**R.** Et ab alienis parce servo tuo.
**V.** Domine, exaudi orationem nostram:
**R.** Et clamor noster ad te perveniat.
**V.** Dominus vobiscum.
**R.** Et cum spiritu tuo.

**Oratio**

**Aures** tuæ pietatis, mitissime Deus, inclina precibus nostris, et gratia sancti Spiritus illumina cor nostrum: ut tuis mysteriis digne ministrare, teque æterna charitate diligere mereamur.

**Oratio**

**Deus**, cui omne cor patet, et omnis voluntas loquitur et quem nullum latet secretum, purifica per infusionem sancti Spiritus cogitationes cordis nostri: ut te perfecte diligere, et digne laudare mereamur.

**Oratio**

**Ure** igne sancti Spiritus renes nostros et cor nostrum, Domine: ut tibi casto corpore serviamus, et mundo corde placeamus.

**Oratio**

**Mentes** nostras, quæsumus, Domine, Paraclitus, qui a te procedit, illuminet, et perducat in omnem, sicut tuus promisit Filius, veritatem.

**Oratio**

**Adsit** nobis, quæsumus, Domine, virtus Spiritus sancti: quæ et corda nostra clementer expurget, et ab omnibus nos tueatur adversis.

**Oratio**

**Deus**, qui corda fidelium sancti Spiritus illustratione docuisti: da nobis in eodem Spiritu reca sapere, et de ejus semper consolatione gaudere.

**Oratio**

Conscientias nostras, quæsumus, Domine, visitando purifica: ut veniens Dominus noster Jesus Christus Filius tuus paratam sibi in nobis inveniat mansionem. Qui tecum vivit et regnat in unitate Spiritus sancti Deus per omnia sæcula sæculorum. R. Amen.

**Oratio S. Ambrosii.**

**Ad mensam** dulcissimi convivii tui, pie Domine Jesu Christe, ego peccator, de propriis meritis nihil præsumens, sed de tua confidens misericordia et bonitate, accedere vereor et contremisco. Nam cor et corpus habeo multis criminibus maculatum, mentem et linguam non caute custoditam. Ergo, o pia Deitas, o tremenda Majestas, ego miser, inter angustias deprehensus, ad te fontem misericordiæ recurro, ad te festino sanandus, sub tuam protectionem fugio; et quem judicem sustinere nequeo, Salvatorem habere suspiro. Tibi, Domine, plagas meas ostendo: tibi verecundiam meam detego. Scio peccata mea multa et magna, pro quibus timeo. Spero in misericordias tuas, quarum non est numerus. Respice ergo in me oculis misericordiæ tuæ, Domine Jesu Christe, Rex æterne, Deus et homo, crucifixus propter hominem: exaudi me sperantem in te: miserere mei pleni miserii et peccatis, tu qui fontem miserationis nunquam manare cessabis. Salve, salutaris Victima, pro me et omni humano genere in patibulo crucis oblata. Salve, nobilis, et pretiose Sanguis, de vulneribus crucifixi Domini mei Jesu Christi profluens, et peccata totius mundi abluens. Recordare, Domine, creaturæ tuæ, quam tuo Sanguine redemisti. Pœnitet me peccasse, cupio emendare quod feci. Aufer ergo a me, clementissime Pater, omnes iniquitates et peccata mea: ut purificatus mente et corpore, digne degustare merear Sancta Sanctorum; et concede, ut hæc sancta prelibatio Corporis et Sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpius cogitationum effugatio, ac bonorum sensuum regeneratio, operumque tibi placentium salubris efficaciac, animæ quoque et corporis contra inimicorum meorum insidias firmissima tuitio. Amen.

**Oratio S. Thomæ Aquinatis.**

Omnipotens, sempiterna Deus, ecce accedo ad sacramentum unigeniti Filii tui Domini nostri Jesu Christi: accedo tamquam infirmus ad medicum vitæ, immundus ad fontem misericordiæ, cæcus ad lumen claritatis æternæ, pauper et egenus ad Dominum cæli et terræ. Rogo ergo immensæ largitatis tuæ abundantiam, quatenus meam curare digneris infirmitatem, lavare fœditatem, illuminare cæcitatem, ditare paupertatem, vestire nuditatem; ut Panem Angelorum, Regem regum, et Dominum dominantium tanta suscipiam reverentia et humilitate, tanta contritione et devotione, tanta puritate et fide, tali proposito et intentione, sicut expedit saluti animæ meæ. Da mihi, quæso, Dominiçi Corporis et Sanguinis non solum suscipere sacramentum, sed etiam rem et virtutem sacramenti. O mitissime Deus, da mihi Corpus unigeniti Filii tui Domini nostri Jesu Christi, quod traxit de Virgine Maria, sic suscipere, ut Corpori suo mystico merear incorporari, et inter ejus membra connumerari. O amatissime Pater, concede mihi dilectum Filium tuum, quem nunc velatum in via suscipere propono, revelata tandem facie perpetuo contemplari. Qui tecum vivit et regnat in unitate Spiritus sancti Deus, per omnia sæcula sæculorum. Amen.



**Oratio coram imagine Crucifixi.**

**Indulgentia plenaria: Pius PP. IX, 31 Julii 18.8.**

**En** ego, o bone et dulcissime Jesu, ante conspectum tuum genibus me provolo ac maximo animi ardore te oro atque obtestor, ut meum in cor vividos fidei, spei et caritatis sensus, atque veram peccatorum meorum penitentiam, eaque emendandi firmissimam voluntatem velis imprimere: dum magno animi effectu et dolore tua quinque vulnera mecum ipse considero ac mente contemplor, illud præ oculis habens, quod jam in ore ponebat tuo David propheta de te, o bone Jesu: Foderunt manus meas et pedes meos: dinumeraverunt omnia ossa mea (Ps. 21).

**Protestatio facienda ante Missam.**

**Indulg. 50 dierum: Gregorius XIII P. M.**

**Ego** volo celebrare Missam, et conficere Corpus et Sanguinem Domini nostri Jesu Christi, juxta ritum sanctæ Romanæ Ecclesiæ, ad laudem omnipotentis Dei, totiusque curiæ triumphantis, ad utilitatem meam, totiusque curiæ militantis, pro omnibus, qui se commendaverunt orationibus meis in genere, et in specie, et pro felici statu sanctæ Romanæ Ecclesiæ. Amen. Gaudium cum pace, emendationem vitæ, spatium veræ penitentiae, gratiam et consolationem sancti Spiritus, perseverantiam in bonis operibus, tributum nobis omnipotens et misericors Dominus. Amen.

**Oratio ad B. M. Virginem ante Missam**

**Indulg. 100 dierum: Leo PP. XIII, 17 Febr. 1883**

**O** Mater pietatis, et misericordiæ, beatissima Virgo Maria, ego miser et indignus peccator ad te confugio toto corde et affectu: et precor dulcissimam pietatem tuam, ut sicut dulcissimo Filio tuo in cruce pendenti astitisti, ita et mihi misero peccatori et sacerdotibus omnibus, hic et in tota sancta Ecclesia hodie offerentibus, clementer assistere digneris; ut, tua gratia adjuti, dignam et acceptabilem hostiam in conspectu summæ et individue Trinitatis offerre valeamus. Amen.

**Memento, Domine, si tibi placet, vivorum.**

**Mei,** parentum, fratrum, sororum, consanguineorum et omnium amicorum meorum; omnium, quibus fui gravamen, scandalum, et occasio peccandi; omnium benefactorum meorum in spiritualibus et temporalibus; omnium sacerdotum et ministrorum ecclesiæ Dei catholicæ; omnium inimicorum meorum ad veniam; omnium hæreticorum et infidelium ad conversionem; omnium agonizantium et improvisæ morentium; omnium mihi commissorum in genere et in specie; et omnium, pro quibus vis et scis me orare debere.

**Mortuorum.**

**Animarum** parentum, fratrum, sororum, consanguineorum et omnium amicorum meorum; animarum, quæ occasione mei purgantur in purgatorio; animarum omnium benefactorum meorum in spiritualibus et temporalibus; animarum omnium sacerdotum et ministrorum ecclesiæ Dei catholicæ; animarum, quarum non est specialis memoria in terra; animarum omnium mihi commissarum in genere et in specie; animarum omnium improvisa morte corporibus extutarum; animarum omnium in purgatorio existentium, et omnium, pro quibus vis et scis me debere orare.

*Antiphona: Tres* in camino ignis.

**CANTIC. DAN. 3.**

**Benedicite**, omnia opera Domini, Domino. Benedicite, cæli, Domino. Benedicite, Angeli Domini, Domino. Benedicite, aquæ omnes quæ super cælos sunt, Domino. Benedicite, omnes Virtutes Domini, Domino. Benedicite, sol et luna, Domino Benedicite, stellæ cæli, Domino. Benedicite, omnis imber et ros, Domino. Benedicite, omnis spiritus, Domino. Benedicite, ignis et æstus, Domino. Benedicite, pruina et nives, Domino. Benedicite, fulgura et nubes, Domino. Benedicite, lumen et tenebræ, Domino. Benedicite, frigus et æstus, Domino. Benedicite, omnia nascentia in terra, Domino. Benedicite, maria et flumina et fontes, Domino. Benedicite, cete et omnia quæ moventur in aquis, Domino. Benedicite, volucres cæli, Domino. Benedicite, bestię et omnia jumenta, Domino. Benedicite, filii hominum, Domino. Benedic Israel Domino. Benedicite, sacerdotes Domini, Domino. Benedicite, servi Domini, Domino. Benedicite, spiritus et animæ justorum, Domino. Benedicite, sancti et humiles corde, Domino. Benedicite, Anania, Azaria, et Misael, Domino. Benedicamus Patrem, et Filium, et sanctum Spiritum. Hymnum dicamus, et superexaltemus eum in sæcula.

**PSALMUS 150**

**Laudate** Deum in sanctis ejus;

**Laudate** eum in firmamento virtutis ejus.

**Laudate** eum in potentantibus ejus;

**laudate** eum secundum multitudinem magnitudinis ejus.

**Laudate** eum in sono tube;

**laudate** eum in psalterio et cithara.

**Laudate** eum in tympano et choro;

**laudate** eum in chordis et organo. **Laudate** eum in cymbalis bene sonantibus;

**laudate** eum in cymbalis jubilationis;

**omnis spiritus laudet** Dominum.

Gloria Patri, et Filio, et Spiritui sancto. Sicut erat in principio, et nunc, et semper, et in sæcula sæculorum. Amen.

*Antiphona: Tres* in camino ignis deambulabant et collaudabant Dominum regem, canentes et uno ore dicentes hymnum Deo. Kyrie eleison, Kyrie eleison, Kyrie eleison.

**V. Dominus vobiscum.**

**R. Et cum spiritu tuo.**

**Oratio**

**Deus**, qui tribus pueris in camino ignis positus quartus adesse dignatus es, cui facillimum est ignium temperare naturas, et extinguere flammarum impetus: eandem, Domine, ad protegendas et liberandas animas nostras extende virtutem.

**Oratio**

**Actiones** nostras, quæsumus, Domine, aspirando præveni, et adjuvando prosequere: ut cuncta nostra operatio et oratio a te semper incipiat, et per te cæpta finiatur.

**Oratio**

**Da** nobis, quæsumus, Domine, vitiorum nostrorum flammam extinguere: qui beato Laurentio tribuisti tormentorum suorum incendia superare. Per Dominum nostrum, etc.

**V. Dominus vobiscum.**

**R. Et cum spiritu tuo.** Kyrie eleison, Kyrie eleison, Kyrie eleison.

**V. Benedicat et exaudiat nos Deus.**

**R. Amen.**

**V. Procedamus cum pace.**

**R. In nomine Christi.**

**V. Benedicamus Domino.**

**R. Deo gratias.**

## GRATIARUM ACTIO POST MISSAM

**ORATIONES PRO OPPORTUNITATE SACERDOTIS POST CELEBRATIONEM ET COMMUNIONEM DICENDÆ.**

**Oratio S. Thomæ Aquinatis.**

**Indulg. unius anni: Leo PP. XIII, 20 Dec. 1884**

**Gratias** tibi ago, Domine, sancte Pater, omnipotens æterne Deus, qui me peccatorem indignum famulum tuum, nullis meis meritis, sed sola dignatione misericordiæ tuæ, satiare dignatus es pretioso Corpore et Sanguine Filii tui Domini nostri Jesu Christi. Et precor, ut hæc sancta Communio non sit mihi reatus ad penam, sed intercessio salutaris ad veniam: sit mihi armatura fidei, et scutum bonæ voluntatis: sit vitiorum meorum evacuatio, concupiscentiæ et libidinis exterminatio, caritatis et patientiæ, humilitatis et obedientiæ, omniumque virtutum augmentatio: contra insidias inimicorum omnium, tam visibilium quam invisibilium, firma defensio: motuum meorum, tam carnalium quam spiritualium, perfecta quietatio: in te uno ac vero Deo firma adhesio, atque finis mei felix consummatio. Et precor te, ut ad illud ineffabile convivium me peccatorem reducere digneris, ubi tu cum Filio tuo, et Spiritu sancto, Sanctis tuis es lux vera, satietas plena, gaudium sempiternum, jucunditas consummata, et felicitas perfecta. Per eundem Christum Dominum nostrum. Amen.

**Oratio S. Bonaventure.**

**Indulg. unius anni: Leo PP. XIII, 20 Dec. 1884**

**Transige**, dulcissime Domine Jesu, medullas et viscera animæ meæ suavissimo ac saluberrimo amoris tui vulnere, vera serenaque et apostolica sanctissima caritate: ut langueat et liquefiat anima mea solo semper amore et desiderio tui, te concupiscat, et deficiat in atria tua, cupiat dissolvi, et esse tecum. Da, ut anima mea te esuriat, panem Angelorum, refectionem animarum sanctorum, panem nostrum quotidianum, supersubstantialem habentem omnem dulcedinem et saporem, et omne delectamentum suavitatis. Te, in quem desiderant Angeli prospicere, semper esuriat et comedat cor meum, et dulcedine saporis tui repleantur viscera animæ meæ. Te semper sitiât fontem vitæ, fontem sapientiæ et scientiæ, fontem æterni luminis, torrentem voluptatis, ubertatem domus Dei. Te semper ambiat, te querat, te inveniat, ad te tendat, ad te perveniat, te meditetur, te loquatur, et omnia operetur in laudem et gloriam nominis tui, cum humilitate et discretione, cum dilectione et delectatione, cum facilitate et affectu, cum perseverantia usque in finem: et tu sis solus semper spes mea, tota fiducia mea, divitiæ meæ, delectatio mea, jucunditas mea, gaudium meum, quies et tranquillitas mea, pax mea, suavitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea, possessio mea, thesaurus meus, in quo fixa et firma et immobiliter semper sit radicata mens mea et cor meum. Amen.

**Alia Oratio**

Pater cælestis, clementissime Domine, Pater misericordiarum, suscipe hodie per manus servi tui hoc sacrosanctum Sacrificium, verum Corpus et Sanguinem Unigeniti Filii tui Domini nostri Jesu Christi, in satisfactionem et remissionem omnium peccatorum meorum, in salutem et fortitudinem animæ meæ, et totius domus meæ, et omnium illorum quibus aliqua obligatio teneor, et omnium dominorum, prelatorum, prædicatorum, sacerdotum et religiosorum Catholicæ Fidei: ut eis gratiam Spiritus sancti impartiri digneris, ad salutem animarum suarum et regimen totius populi christiani, et omnium peccatorum huius mundi, ut eos convertas et ducas ad viam salutis, in consolationem omnium tribulorum, ut eis adiutorium et veram patientiam tribuas; in refrigerium et liberationem omnium animarum existentium in purgatorio, et maxime illarum, quæ auxilium a me jure expectant; ad illuminationem et conversionem omnium gentium, infidelium et hæreticorum, et schismaticorum, ut cognoscant et ament Te summam veritatem, Patrem omnipotentem, qui cum Filio et Spiritu sancto es laudabilis Deus et benedictus in sæcula sæculorum. Amen.

**Oratio S. Augustini ad B. Mariam Virginem.**

O serenissima, et inclyta gloriosa Virgo Maria, quæ Creatorem omnium creaturarum in tuo sacratissimo utero fuisti digna portare, solaque virgineo ubere lactare: cujus veracissimum, sacrumque Corpus et Sanguinem ego indignus peccator modo sumere præsumpsi: tuam humiliter deprecor misericordiam, ut apud ipsum pro me peccatore intercedere digneris, ut quidquid in hoc tam ineffabili, ac dignissimo sacrificio, per me indignum, ignoranter vel negligenter, aut acciderent, seu irriverenter, scilicet in tractando et sumendo, ac ministrando actum est, commissum, vel omissum, tuis sacratissimis precibus indulgere dignetur idem Dominus noster Jesus Christus Filius tuus qui cum Patre et Spiritu sancto vivit et regnat in sæcula sæculorum. Amen.

**Oratio ad S. Joseph.**

**Indulg. 100 dierum: Pius PP. IX, 4 Febr. 1877**

Virginum custos et pater, sancte Ioseph, cujus fideli custodia ipsa innocentia Christus Jesus et Virgo Virginum Maria commissa fuit: te per hoc utrumque carissimum pignus Jesum et Mariam obscuro et obtestor, ut me ab omni immunditia præservatum, mente incontaminata, puro corde, et casto corpore Jesu et Mariæ semper facias castissime famulari. Amen.

**RHYTHMUS S. THOMÆ AQUINATIS**

**AD SACRAM EUCHARISTIAM**
Adoro te devote, latens Deitas,
Quæ sub his figuris vere latitas:
tibi se cor meum totum subjicit,
quia, te contemplans, totum deficit.
Visus, tactus, gustus in te fallitur,
sed auditu solo, tuto creditur.
Credo quiddid dixit Dei Filius;
nil hoc verbo veritatis verius.
In cruce latebat sola Deitas,
at hic latet simul et humanitas:
ambo tamen credens atque confitens,
peto quod petivit latro pœnitens.
Plagas, sicut Thomas, non intueor,
Deum tamen meum te confiteor.
Fac me tibi semper magis credere.
In te spem habere, te diligere.
O memoriale mortis Domini,
Panis vivus, vitam præstans homini:
præsta meæ menti de te vivere,
et te illi semper dulce sapere.
Pie pellicane, Jesu Domine,
me immundum munda tuo Sanguine,
cujus una stilla salvum facere
totum mundum quic ab omni scelere.
Jesu, quem velatum nunc aspicio,
oro fiat illud, quod tam sitio;
ut, te revelata cernens facie,
visu sim beatus tuæ gloriæ. Amen.

**Aspirationes S. Ignatii ad Ss. Redemptorem.**
**Pius IX, d. d. 9 Januarii 1854 concessit Indulgentiam 300 dierum toties quoties pro recitatione sequentium invocationum; si vero recitantur a Sacerdotibus post Missæ Sacrificium Indulg. 7 annorum semel in die. Si quotidie recitantur, Indulgentiam plenaria die arbitrio cujusvis mensis.**

**Anima** Christi, sanctifica me.
**Corpus** Christi, salva me.
**Sanguis** Christi, inebria me.
**Aqua lateris** Christi, lava me.
**Passio** Christi, conforta me.
**O bone** Jesu, exaudi me.
**Intra** vulnera tua absconde me.
**Ne** permittas a te me separari.
**Ab** hoste maligno defende me.
**In** hora mortis meæ voca me.
**Et** jube me venire ad te,
ut cum sanctis tuis laudem te in sæcula sæculorum. Amen.

**IMPRIMATUR**

**In Curia Arch. Mediolani, die 14 Julii 1902.**
**Can. Joannes Rossi, Pro Vic. Gen.**